

Баъзан эркаларнинг олтин, платина каби ноёб металллардан узук такиб олишганига гувоҳ бўламиз. Ислонда бу борада кандай кўрсатмалар бор?

**ЖАВОБ:** Эркак киши темир, мис ва кимматбаҳо тошлардан узук такмайди. Бир одам Набий соллаллоху алайхи васалламнинг хузурларига келди. Унинг кўлида мис узук бор эди. У зот унга: «Не бўлдики, сендан санамларнинг хидини туймоқдаман?» дедилар. Шунда ўша одам уни ташлаб юборди. Сўнгра у яна бир бор келди. Унинг кўлида темир узук бор эди. У зот унга: «Не бўлдики, мен сенда дўзах ахлининг зийнатини кўрмоқдаман?» дедилар. Шунда у (киши) уни ташлаб юборди. Сўнгра: «Эй Аллохнинг Расули, уни нимадан килишим керак?» деди. У зот: «Уни кумушдан кил ва бир мисколга етказма», дедилар» (“Сунан” эгалари ривоят килишган). Бу ривоятдан мис ва темир узук эркак кишига мумкин эмаслиги очик-ойдин кўриниб турибди. Уламоларимиз ушбу ривоятдан олган хукмлар ичида эркак кишининг кумуш узуги бир мисколдан зиёд бўлмаслиги керак, деган хукм ҳам бор. Тилла суви юритилган нарсаларни ишлатиш ханафий мазхабида жоиз, дейилган (Аллох билувчидир).